

紫草

龍泉縣志大馬鞍山出

青芝

名勝志青田縣大鶴山下其田嘗產青芝

竹青

青田縣志其葉似竹可染碧此地所豐之草故

名青田

薜蘿

名勝志龍泉匡山有薜蘿數十尋嫩綠可茹

雞顙草

龍泉縣志有雞顙草

觀音草

龍泉縣志有觀音草

龍鬚草

仙都志產於獨峯崖上

鶴

太平寰宇記青田產相鶴經云青田之鶴卽此

永嘉

郡記有沐溪野去青田九里中有雙白鶴年年生子長大便去只恒餘父母一雙耳精白可愛多云神仙